



Inyoka elilolo

Ibhalwe nguSanelisiwe Maliza | Imizobo nguShadrack Munene

“Sssssss,” walila uNyokana.

Wathi uNyokana akurhubuluza aphume emngxunyeni wakhe osemhlabeni eyokudlala, zonke izilwanyana zabaleka. Iintaka zabhabhela kwelona sebe liphezulu emthini. Iimpuku zathi qhusaa zaya kutshonela. UNcandana wabhadaza wabuyela kwindlwana yakhe.

“Kutheni ezinye izilwanyana zingandithandi nje, Mama?” wakhala uNyokana.

“Ngalo lonke ixesha ndizama ukuphuma ukuyodlala nabo, bayabaleka bemke bengabulisanga nokubulisa.”

“Beve amabali amabi ngeenyoka. Izilwanyana zicinga ukuba iinyoka azilunganga. Ziyasoyika,” watsho uMama uNyoka.





UNyokana wabukela esemva kwelitye njengoko ezinye izilwanyana zazidlala kunye. "Kukhangeleka ngokungathi zonwabe kakhulu," watsho kalusizi.

UNyokana weva isikhalo.
Warhubuluza wasondela.

Iqela lamantshontsho engqawa lalinyevulela litshicela uNcandana.

"Ndicela nindiyewe," wantywizisa uNcanda.


UNyokana warhubuluzela kufutshane nangakumbi.

“SSSSSSSSSSSSSSSSSSSSSSS!”

Abaxhaphazi boyika kangangokuba
babaleka bemka ngokukhawuleza
kangangoko babenako.

“Enkosi,” wankwiniza uNcanda.

“Akukho ngxaki,” wafutha
uNyokana. “Hlala nam kwaye aba
bafo soze baphinde bakuxhaphaze!”



A colorful illustration of three animals in a grassy field. In the center, a brown hedgehog with a spiky back looks towards a green snake with a patterned tail. To the right, a large orange fox with a grumpy expression stands with its mouth open. The background features stylized, colorful vertical stripes in shades of purple, blue, and yellow, suggesting a dreamlike or magical setting.

Kude kube nanamhla oku,
uNyoka noNcanda bahlalisana
ngolonwabo, ndawonye.

Inyoka elilolo

Ibhalwe nguSanelisiwe Maliza • Imizobo nguShadrack Munene

Izimvo eninokuthetha ngazo

Ucinga ukuba ngabe enze ntoni amathole ekharakhali xa Umntwana weNcanda esithi, "Ndicela nindiyeyeke"?

Ingaba ucinga ukuba Umntwana weNcanda wayemangaliwi kukuba Umntwana weNyoka emnceda? Ngoba?

Hlobo luni lwamabali owavileyo okanye owafunde ngeenyoka?



Umfanekiso

Zoba umfanekiso wenyoka. Wufake umbala uze ufake iqamza lentetho. Bhala isandi esenziwa yinyoka kwiqamza lentetho.




Ukufunda

Funda isihloko sebali. Uze ke wenze ezakho izihloko ezibini zebali.



Ukubhala

Kwimilo yenyoka, bhala phantsi amagama achaza iinyoka.



Ubuchule

Sebenzisa imicinga yematshisi nodongwe lokudlala okanye udongwe ukwenza iincanda neenyoka.



Ukwenza

Hamba njengesilwanyana esisebalini: tyibilika njengenyoka, hamba ujikeleze njengamathole ekharakhuli, veza iintsiba zakho njengencanda.

